



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/14
Datum: _____.2014. godine

PRIJEDLOG

Povodom iskazanog nezadovoljstva građana širom Bosne i Hercegovine, a i na području općine Tešanj, a na osnovu člana 14. Statuta Općine Tešanj ("Službeni glasnik Općine Tešanj" broj 11/07) i člana 79. Poslovnika o radu Općinskog vijeća ("Službeni glasnik Općine Tešanj" broj 7/08, 1/12 i 7/12) Općinsko vijeće Tešanj na svojoj ___ sjednici od ____2014. godine donosi

**REZOLUCIJU
o podršci borbi jednakih šansi za sve**

Polazeći od činjenica:

- da je Bosna i Hercegovina pretrpjela najveća razaranja i tragediju u svojoj historiji tokom odbrane 1992.-1995. godine,
- da nije uspostavljen funkcionalan ustav niti funkcionalne državne institucije vlasti,
- da se tranzicija društvenog u privatno vlasništvo odvijala u krajnje nepovoljnim uslovima, često neuspješno i sa mnogo sumnji,
- te svjesni postojanja društvene nepravde, različitih oblika privilegija i veoma teških pojedinačnih porodičnih prilika, ali i složenog i nepovoljnog poslovnog ambijenta,

Općina Tešanj, kao lokalna samouprava, poziva na uspostavu više reda u odnosima i na veći stepen društvene pravde.

Općina Tešanj nema ovlasti da donosi zakone niti propise iz područja rada i radnih odnosa, ali je veoma zainteresovana da ovo područje bude drugačije i bolje uređeno. Siromaštvo niko ne podnosi lako, ali se mogu razumjeti opće prilike i nepovoljan ambijent u Bosni i Hercegovini. Općinsko Tešanj traži da se sistemski, izmjenom zakona, uredi oblast zapošljavanja koja će spriječiti stranačke, prijateljske i rodbinske uticaje pri zapošljavanju, onemogućiti da su u jednoj porodici svi zaposleni a u nekoj drugoj porodici - niko, te promovisati red u vremenu čekanja na zaposlenje, a ne da neko čeka nekoliko godina a neko drugi ni nekoliko mjeseci.

Općina Tešanj poziva sve poslodavce na području općine Tešanj, privatni i javni sektor, da prilikom novih prijema radnika sami uzmu u obzir ova načela i prije nego što vlade i parlamenti to zakonski uredi. To će dati doprinos uspostavi većeg stepena društvene pravde, i povoljnijeg ambijenta za život svih građana općine Tešanj.

Općinska uprava (općinsko vijeće i općinski načelnik) su opredijeljeni nastaviti istrajno raditi na uređenju lokalne zajednice kao mjesta ugodnog za život, za rad i investicije bez obzira na širi kontekst okolnosti u kojima živimo.

Općinska uprava poziva sve građana da na tom putu gradimo partnerske odnose, da se fokusiramo na ciljeve i naše buduće odnose, te da nove ideje mogu uvijek biti na najbolji način sagledane, i da mogu uticati na donošenje najboljih odluka za budućnost.

**PREDSJEDAVAJUĆI OV
Fuad Šišić, dipl. ing.mašinstva**

OBRAZLOŽENJE

PRAVNI OSNOV

- član 14. Statuta Općine Tešanj (“Službeni glasnik Općine Tešanj” broj 11/07)
- član 79. Poslovnika o radu Općinskog vijeća (“Službeni glasnik Općine Tešanj” broj 7/08, 1/12 i 7/12)

RAZLOZI ZA DONOŠENJE

Povodom iskazanog nezadovoljstva građana širom Bosne i Hercegovine, a i na području općine Tešanj, te mnogih sastanaka koje su Općinski načelnik i Općinsko vijeće održali sa nezadovoljnim građanima, ukazala se potreba za zauzimanje određenog zajedničkog mišljenja i stava Općine Tešanj u vezi sa trenutnom situacijom, te predlažemo donošenje Rezolucije u tekstu koji je predložen.

Dostavljeno:

1. Općinsko vijeće
2. Arhiva

PREDLAGAČ
PREDSJEDAVAJUĆI OV
Fuad Šišić, dipl. ing.mašinstva

Broj: 02-49-2-632/14
Datum: 24.03.2014. godine